

SUSS terima sumbangan \$50 ribu atas nama perintis pekerja sosial

UNIVERSITI Sains Kemasyarakatan Singapura (SUSS) menerima sumbangan sebanyak \$50,000 daripada sekumpulan penderma semalam di Sree Narayana Mission yang terletak di Yishun Avenue 5.

Derma yang dinamakan bagi memperingati perintis pekerja sosial, mendiang Encik K. V. Veloo itu terdiri daripada sumbangan keluarga serta rakannya.

Antara mereka adalah isteri mendiang, Cik Rani Veloo dan rakan karib mendiang, Encik Shaik Aziz Shaik Mohideen.

Dana itu akan disalurkan ke program Kerja Sosial, khususnya bagi dua Anugerah Buku dalam Sistem Keadilan Jenayah dan Pemulihan, serta Perancangan dan Dasar Sosial, yang diperuntukkan bagi mahasiswa.

Anugerah itu akan diberi setiap tahun kepada pelajar yang mengikuti program mahasiswa di Sekolah Pembangunan Manusia S R Nathan, mulai 2020.

Setiap Anugerah Buku bernilai \$1,000 itu akan diberikan kepada dua pelajar terbaik di acara konvokeyen tahunan.

Provost SUSS, Profesor Tsui Kai Chong, yang berbesar hati di atas sumbangan tersebut, berkata:

“Saya ingin berterima kasih bagi pihak pelajar kerja sosial kami yang akan meraih manfaat daripada usaha murni ini.

“Sungguh wajar anugerah ini diberikan atas nama Encik Veloo, yang merupakan perintis dalam kerja sosial.”